



**MAJLIS PENYAMPAIAN DIVIDEN RTBB DAN DIVIDEN TSK  
DAN RISDA NEGERI PAHANG  
TAHUN 2008**

**UCAPAN ALUAN**

**YANG BHG. DATO' ALI NORDIN BIN WAHIDUDDIN  
TIMBALAN KETUA PENGARAH (PEMBANGUNAN)  
MEWAKILI KETUA PENGARAH RISDA**

DEWAN MAJLIS PERBANDARAN DAERAH BENTONG,  
BENTONG, PAHANG  
23 SEPTEMBER 2008  
3.00 PETANG

Yang Berusaha Saudara Pengerusi Majlis

Yang Amat Berhormat Dato' Seri Hj. Adnan bin Hj. Ya'akob  
Menteri Besar Negeri Pahang Darul Makmur

Yang Berhormat

Yang Berhormat

Yang Dihormati Tn. Hj. Mujahid bin Mohamad  
Pengarah RISDA Negeri Pahang

Dif-Dif jemputan, Tuan-Tuan dan Puan-Puan yang dihormati  
sekalian

**Assalamualaikum Warahmatullahi Wabarakatuh,**

## **1.0 PENGHARGAAN**

Marilah kita bersama-sama pada hari ini memanjangkan kesyukuran kita kehadiran Allah S.W.T kerana dengan limpah, kurnia dan rahmatNya dapat kita berkumpul di sini bagi Majlis Penyampaian Dividen Rancangan Tanam Baru Berkelompok (RTBB) dan Dividen Tanam Semula Komersial (TSK) RISDA Negeri Pahang Tahun 2008. Terlebih dahulu saya mengambil kesempatan di sini untuk menyampaikan salam daripada Yang Berbahagia Dato' Mohammad Izat Hasan, Ketua Pengarah RISDA

3

yang tidak dapat hadir pada hari ini kerana terlibat dengan urusan rasmi yang lain. Bagi pihak pengurusan RISDA, saya amat mengalu-alukan dan berterima kasih di atas kesudian Yang Amat Berhormat Dato' Sri Hj. Adnan bin Hj. Ya'akob, Menteri Besar Negeri Pahang Darul Makmur yang telah sudi melapangkan masa hadir untuk menyempurnakan Majlis kita pada hari ini. Sesungguhnya kehadiran YAB Dato' Seri begitu bermakna kepada semua yang hadir pada hari ini. Sokongan yang ditunjukkan oleh YAB Dato' Seri akan menyemarakkan lagi semangat kami semua untuk meneruskan usaha memperkasakan pekebun kecil dan

4

sama-sama membantu negara mencapai tahap pembangunan yang lebih tinggi, InsyaAllah.

Saya juga mengambil peluang di sini untuk mengalu-alukan kehadiran Yang Berhormat .....yang begitu perihatin untuk hadir bersama-sama kita pada hari ini. Juga kepada semua dif-dif jemputan ke Majlis ini, Kehadiran tuan-tuan dan puan-puan menjadi pendorong kepada RISDA untuk memberi perkhidmatan terbaik kepada pekebun kecil dan penduduk di luar bandar khasnya dan juga industri getah keseluruhannya.

Tidak lupa juga kepada semua peserta RTBB, TSK, serta pekebun kecil dari seluruh Negeri Pahang khususnya dari Daerah Bentong,

5

Jerantut, Lipis, Raub dan Bera dan pastinya Majlis pada hari ini memberi pengertian yang cukup besar kepada RISDA khususnya dalam meningkatkan dan memperbaiki taraf hidup pekebun kecil di Negeri Pahang, khasnya kearah mensasarkan pendapatan melebihi RM 2000 sebulan sekeluarga.

## **2.0 SELAMAT MENUNAIKAN IBADAH PUASA**

Walaupun bulan Ramadhan sudah hampir ke 10 hari terakhirnya, saya mengambil peluang ini untuk mengucapkan Selamat Menjalankan Ibadah Puasa kepada semua muslimin dan muslimat. Semoga amal ibadah yang kita lakukan diterima oleh

6

Allah S.W.T. kelak, InsyaAllah. Oleh kerana tinggal seminggu sahaja lagi untuk kita Berhari Raya, saya mengucapkan Selamar Hari Raya kepada Tuan-Tuan dan Puan- Puan sekalian.

### **3.0 TUJUAN MAJLIS**

Tujuan RISDA mengadakan Majlis ini pada hari ini adalah untuk menyampaikan keuntungan terkumpul RTBB bagi tahun 2007 dan juga dividen TSK bagi tempoh Januari-Ogos 2008 bagi Negeri Pahang.

7

### **4.0 PEMBAYARAN DIVIDEN RTBB DAN TSK**

RTBB ini yang dilaksanakan mulai tahun 1974 telah pun membayar dividen mulai tahun 1982. Bagi tahun 2007, pihak RISDA akan menyampaikan dividen yang bernilai **RM 41,322,650.00 (41.3 juta)** khusus bagi **13,986 orang** peserta dengan keluasan lebih kurang **41,322.65 hektar di seluruh negara**. Purata bayaran dividen adalah **RM2,954.57** bagi setiap peserta.

Bagi **Negeri Pahang**, sejumlah **RM 8.609 juta** keuntungan terkumpul RTBB akan diberikan kepada **2,617 orang** peserta

8

iaitu meliputi **Skim RTBB biasa dan Skim RTBB Koperasi Ladang Pekebun Kecil Malaysia Bhd.** Kadar dividen adalah RM 1,000 seekar. Pada hari ini, seramai 500 orang peserta akan menerima dividen. Selain daripada itu, sejumlah **RM 18.920 juta dividen TSK Negeri Pahang bagi tempoh Januari hingga Ogos 2008** akan juga diberikan kepada seramai 5,867 orang peserta dengan keluasan **14,047 hektar.** Pada hari ini seramai **264 orang peserta Tanam Semula Komersial Orang Asli** akan menerima dividen dengan kadar **RM500 seorang.**

## **6.0 PENUTUP**

Saya tidak berniat untuk berucap panjang kerana Tuan-tuan dan Puan-puan tentunya sudah tidak sabar lagi untuk mendengar ucapan daripada Yang Amat Berhormat Dato' Seri Hj.Adnan bin Hj.Ya'akob, Menteri Besar Negeri Pahang Darul Makmur pada hari ini. Sekali lagi saya mengucapkan ribuan terima kasih kepada YAB Dato' Seri atas kesudian untuk menyempurnakan Majlis pada hari ini. Setinggi penghargaan juga kepada Yang Berhormat..... Juga para jemputan serta pekebun kecil yang hadir.Tidak ketinggalan juga terima kasih kepada Tn. Hj. Mujahid bin Mohamad, Pengarah RISDA Negeri Pahang serta Jawatankuasanya yang telah bekerja

keras untuk menjayakan Majlis ini. Hanya Allah sahaja yang dapat membalas segala usaha Tuan-tuan dan Puan-puan.

Sekian. **Wabillahi Taufik Walhidayah ,**  
**Wassalamualaikum Warahmatullahi wabarakatuh.**